

Cu 'e libbre sott'o vraccio
 e 'a cammesella a fiore blu,
 vuò fà 'a signurenella
 'nnanz'a scola pure tu...
 Te piglie 'a sigaretta
 quann'accatte pe' papà,
 te miette già 'o rrussetto
 comme vide 'e fà a mammà...
 Lazzarè!...

Ma Lazzarella cumme si'!?
 tu a me mme piaci sempe 'e cchiù,
 e vengo apposta pe' t'o ddi,
 vicino a scola d'o Gesù...
 Tu invece mme rispunne: "Eggià,
 io deve retta proprio a te...
 Pe' me ll'ammore pó aspettá,
 che n'aggia fà?...nun fa pe' me!..."

Ah, Lazzarella!
 ventata 'e primmavera...
 Quando passe tutt'e mmatine,
 già te spiechie dint'e vvetrine,
 sulo nu cumplimento te fa avvampà...

Ma Lazzarella cumme si',
 tu nun mme pienze proprio a me,
 e ride pe' mm'ò ffà capì
 ca pierdo 'o tempo appriess'a te!

Mo vène nu studente
 'nnanz'a scola d'o Gesù,
 te va sempe cchiù stretta
 'a cammesella a fiore blu...
 te piglie quatto schiaffe
 tutt'e vvote ca papà,
 te trova nu bijette
 ca te scrive chillu llà...
 Lazzarè!...

Ma Lazzarella cumme si',
 ce si' cadute pure tu...
 L'ammore nun te fa mangià
 te fa suffrì, te fa penzà...
 Na sera tu lle dice: "No"
 Na sera tu lle dice: "Ma"
 ma si nu vase te vò dà
 fai segne 'e "sí", senza parlà...

Ah, Lazzarella,
 'o tiempo cumme vola:
 Mo te truove tutt'e mmatine,
 chino 'e lacreme stu cuscine...
 Manco na cumpagnella te pò aiutà!

Ma Lazzarella cumme si'!?
 Te si' cagnata pure tu...
 e te pripare a di' stu "Sí",
 ma dint'a cchiesa d'o Gesù!



Lazzarella è anche un film del 1957 diretto da Carlo Ludovico Bragaglia di ambiente napoletano con Mario Girotti, Luigi De Filippo, Alessandra Panaro e Rossella Como. Grande successo di pubblico.



Nel 1957 Domenico Modugno partecipa al Festival di Napoli in coppia con Aurelio Fierro, con **Lazzarella**, scritta insieme a Pazzaglia, che riscuote un enorme successo, viene interpretata da Renato Carosone e tradotta in francese per l'interpretazione di Dalida..



Riccardo Pazzaglia (1926–2006) è stato uno scrittore, giornalista, paroliere e anche attore e regista. Nel 1985 partecipa alla trasmissione televisiva *Quelli della Notte*, di Renzo Arbore. Ha al suo attivo molti lavori teatrali e 12 film tra soggetti, sceneggiature e regie, tra cui *Lazzarella* e *Così parlò Bellavista*.



